

資治通鑑

唐紀
卷二百五十三
至一百六十五

資治通鑑卷第二百五十三

朝散大夫右諫議大夫權御史中丞充理檢使上護
勅編集

唐紀六十九起強固作疆蓋上章因
敦十月凡三年有奇

僖宗惠聖恭定孝皇帝上之下

乾符四年春正月王郢誘魯寔入舟中執之王郢因魯寔請降
事見上卷上年將士從寔者皆奔餽餉之費疲弊中國請許其和宋

皓為江南諸道招討使徵諸道兵外更發忠武宣武感化三道陳許忠武軍汴宋宣
武軍徐州感化軍宣泗二州兵新舊合萬五千餘

人並受船節度二月郢攻陷望海鎮掠明州又攻台州陷之刺史王葆退守唐興唐興即今天台縣在
台州西一百一十里詔二浙福建各

出舟師以討之 王仙芝陷鄂州 黃巢陷鄆州殺節度使薛崇 南詔酋龍嗣立以來為邊患殆二十年宣宗大
中十三

年會龍立
曾慈由翻中國為之虛耗為于
偽翻而其國中亦疲弊酋龍卒諡曰景莊皇帝子法立改元貞明承智大同國號鶴拓亦

號大封人考異曰徐雲虔南詔錄曰南詔別名鶴拓
其後亦自稱大封人是以封為國號也法好畋獵好呼
到翻委國事於大臣閏月嶺南西道節度使辛讜奏南

詔遣隨西段瑳寶等來請和南詔官有陀西猶中國判
官也瑳七何翻又七可翻且言諸道兵戍邕州歲久餽餉之費疲弊中國請許其和使羸瘵

息肩羸倫為翻
瘵側介翻詔許之讜遣大將杜弘等齎書幣送瑳寶還南詔但留荆南宣歙數軍戍邕州歙書
涉翻自餘諸道兵什

減其七 王郢橫行浙西鎮海節度使裴瓌嚴兵設備瓌求
於翻不與之戰密招其黨朱實降之降戶
江翻散其徒六七千人

輸器械二十餘萬舟航粟帛稱是稱尺
證翻敕以實為金吾將軍於是郢黨離散郢收餘眾東至明州甬橋鎮遏使劉

巨容以筒箭射殺之劉巨容以宿州甬橋鎮遏使將兵討王郢筒箭長幾尺餘內之竹筒注之弦上繫竹筒於手
腕發弓既發筒箭向後激矢射擊皆洞貫詳見辯誤乾符二年王郢反至是而平射而亦翻餘黨皆平瓌譖之從會

孫也裴謨見二百六卷代宗大曆十四年從才用翻 三月黃巢陷沂州 夏四月壬申朔日有食之 賊帥柳彥璋剽掠江西帥所類翻 陝

州軍亂逐觀察使崔碣貶碣懷州司馬陝失冉翻 黃巢與尚讓合兵保查牙山考異曰舊紀四年三月巢陷鄆州七月入查牙山與王仙芝合五年二月君長仙芝皆死尚讓

以兄過害大掠淮南舊傳五年八月王鐸斬王仙芝先是尚君長弟讓以兄奉使誅帥部衆入查牙山黃巢黃揆見仲八人率盜數千依讓按實錄乾符二年仙芝陷曹溪寨已起兵應之三年十二月招討副都監楊復光奏草賊尚讓查牙山官軍退保鄆州四年四月黃巢引其衆保查牙山其年冬君長

乃死驚聽錄巢與仙芝俱入蕪州以仙芝獨受官而怒毆仙芝傷面由是分據時君長亦在座非則芝死後巢方依讓也又按舊紀仙芝死後王鐸始為都統討賊而舊傳云王鐸斬仙芝又先云殺張璠乃陷廣州先云陷華州方攻潼關敘事顛錯不倫今從實錄 五月甲子以

給事中楊損為陝虢觀察使損至官誅首亂者損嗣復之子也楊嗣復事文宗 初桂管觀察使李瓚失政支使薛堅石

屢規正之瓚不能從及瓚被逐李瓚被逐見上卷上年被皮義翻 堅石攝留務移牒鄰道禁遏亂兵一方以安詔擢堅石為國子博士

六月柳彥璋襲陷江州執刺史陶祥使祥上表彥璋亦自附降狀上時掌翻 敕以彥璋為右監門將軍令散眾赴

京師以左武衛將軍劉秉仁為江州刺史彥璋不從以戰艦百餘固湓江為水寨湓江在江州城外接于大江故謂之湓江湓浦奔翻 剽掠如故

剿匹妙翻 忠武都將李可封戍邊還至邠州迫脅主帥索舊欠糧鹽帥所類翻 留止四日閭境震驚秋七月還至許州

節度使崔安潛悉接誅之 庚申王仙芝黃巢攻宋州三道兵與戰不利三道兵平盧宣武忠武也 賊遂圍宋威於宋州甲寅左

威衛上將軍張自勉將忠武兵七千救宋州殺賊二千餘人賊解圍遁去王鐸盧攜欲使張自勉以所將兵受宋

威節度鄭畋以為威與自勉已有疑忿若在麾下必為所殺不肯署奏八月辛未鐸攜訴於上求罷免庚辰畋請

歸潼川養疾潼川在長安東潼音產 上皆不許史言僖宗不能定國是 王仙芝陷安州 鹽州軍亂逐刺史王承顏詔高品牛從珪往慰

諭之貶承顏象州司戶承顏及崔碣素有政聲以嚴肅為驕卒所逐朝廷與貪暴致亂者同貶時人情之史言唐末賞罰失當

且言主昏政亂能吏不惟不得展其才亦不免於罪從珪自鹽州還軍中請以大將王宗誠為刺史詔宗誠詣闕將士皆釋罪仍加優給 乙卯

王仙芝陷隨州執刺史崔休徵山南東道節度使李福遣其子將兵救隨州戰死福奏求援兵遣左武衛大將軍

李昌言將鳳翔五百騎赴之仙芝遂轉掠復郢忠武大將張貫等四千人與宣武兵援襄州自申蔡間道逃歸

詔忠武節度使崔安潛宣武節度使穆仁裕遣人約還約還者成約將冬十月邠寧節度使李侃奏遣兵討王宗

誠斬之餘黨悉平逐王承顏之黨也鄭畋與王鐸盧攜爭論用兵於上前畋不勝退復上奏復扶又以為自王仙芝俶擾

又以本道兵授張自勉解宋州圍使江淮漕運流通不輸寇手今蒙盡以自勉所將七千兵令張貫將之將即亮

隸宋威斷句自勉獨歸許州威復奏加誣毀因功受辱臣竊痛之安潛出師前後克捷非一一旦殫兵盡付他人良

將空還若勅敵忽至京翻渠何以枝梧臣請以忠武四千人授威餘三千人使自勉將之守衛其境既不侵宋威之

功又免使安潛愧恥時盧攜不以為然上不能決畋復上言宋威欺罔朝廷敗衄狼籍衄女六翻又聞王仙芝七狀

請降威不為聞奏為于朝野切齒以為宜正軍法述狀如此不應復與兵權願與內大臣參酌早行罷

黜不從河中軍亂逐節度使劉侔縱兵焚掠以京兆尹竇瑒為河中宣慰制置使瑒俱黃巢寇掠斬黃黃相

六十五里曾元裕擊破之斬首四千級巢遁去十一月己酉以竇瑒為河中節度使招討副都監楊復光遣人說

諭王仙芝仙芝遣尙君長等請降於復光監古銜翻說輸芮翻降戶宋威遣兵於道中劫取君長等十二月威奏與君

長等戰於潁州西南生擒以獻復光奏君長等實降非威所擒詔侍御史歸仁紹等鞫之姓譜曰左傳胡子國姓歸為楚

氏竟不能明斬君長等於狗脊嶺黃巢陷匡城遂陷濮州匡城縣屬滑州本漢長垣縣宋白曰隋開皇於帝姑城置匡詔潁州

刺史張自勉將諸道兵擊之江州刺史劉秉仁乘驛之官單舟入柳彥璋水寨賊出不意即迎拜秉仁斬彥璋

散其眾柳彥璋為盜九月而敗王仙芝寇荆南節度使楊知溫知至之兄也楊知至見上卷以文學進不知兵或告賊至知溫

唐紀 僖宗惠聖恭定孝皇帝 宗咸通十一年

以為妄不設備時漢水淺狹賊自賈斬度九域志鄧州長壽縣有賈壘鎮壘七絕翻

五年春正月丁酉朔大雪知溫方受賀凡元旦冬至諸州鎮皆受賀將吏牙賀下至縣邑亦然賊已至城下遂陷羅城將佐共治子城而守之治直及

暮知溫猶不出將佐請知溫出撫士卒知溫紗帽阜裘而行將佐請知溫環甲以備流矢早才早翻知溫見士卒拒

戰猶賦詩示幕僚遣使告急於山南東道節度使李福福悉其眾自將救之時有沙陀五百在襄陽福與之俱至

荆門遇賊晉分編縣置長林縣德宗貞元二十一年又分長林置荆門縣屬江陵府九域志在府北一百六十許里沙陀縱騎奮擊破之仙芝聞之焚掠江陵而去江陵城下舊三

十萬戶至是死者什三四 壬寅招討副使曾元裕大破王仙芝於申州東所殺萬人招降散遣者亦萬人敕以

宋威久病罷招討使還青州宋威本平盧帥以曾元裕為招討使潁州刺史張自勉為副使 庚戌以西川節度使

高駢為荆南節度使兼鹽鐵轉運使 振武節度使李國昌之子克用為沙陀副兵馬使戍蔚州宋白曰蔚州秦趙間

置懷荒禦夷二鎮於此東魏於此置北靈已都後周大象二年置蔚州唐開元初移郡治於靈已西南一百三十里西至朔州三百八十里時河南盜賊蠡起謂王仙芝黃巢等也雲州沙陀兵馬使李盡忠與牙將

康君立薛志勤程懷信李存璋等謀曰今天下大亂朝廷號令不復行於四方復扶此乃英雄立功名富貴之秋

也吾屬雖各擁兵眾然李振武功大官高名聞天下言李國昌討平龐助於當時功為大帥振武於諸將官為高聞音問其子勇冠諸軍冠古若輔以舉事代

北不足平也眾以為然君立興唐人隋分靈丘縣置安陽縣中廢唐開元十二年復存璋雲州人志勤奉誠人也貞觀二十二年

者部落僑樂都督府開元二十三年更名奉誠都督府薛志勤其府人也會大同防禦使段文楚兼水陸發運使宋白曰朔州馬邑縣貞觀已來已為大同軍職開元五年分

漢德名也建中開馬邑縣代北援薛方句翻再也再歲漕運不繼文楚頗減軍士衣米又用法稍峻軍士怨怒盡忠遣君立

潛詣蔚州說克用起兵除文楚而代之說式克用曰吾父在振武俟我粟之君立曰今機事已泄緩則生變何暇

千里粟命乎言道里遠遣使命生還則事必泄而害成於是盡忠夜帥牙兵攻牙城攻雲州牙城也執文楚及判官柳漢璋繫獄自知軍州事

遣召克用克用帥其眾趣雲州遼七行收兵二月庚午至城下眾且萬人屯於關雞臺下壬申盡忠遣使送符印

請克用為防禦留後癸酉盡忠械文楚等五人送關雞臺下克用令軍士毋而食之以驕踐其骸古瓦翻甲戌克

用入府舍視事考異曰趙鳳後唐太祖紀年錄曰乾符三年河南水災盜寇蜂起朝廷以段文楚為代北水陸總運雲州防禦使

祖之門請其除虐帥以謝邊人衆因大譟擁太祖上馬比及雲中衆且萬人城中械文楚出以應太祖復唐閔帝時史官張昭選撰莊宗功臣列傳曰康君

立為雲中牙校事防禦使段文楚時天下將亂代北仍歲阻饑諸部豪傑咸有嘯聚邀功之志文楚法令稍峻軍食轉餉不給戎兵皆怨雲州沙陀兵馬使

李勣忠私謂君立等曰段公儒者雖與共事方今四方雲擾皇威不振丈夫不能於此時立功立事非人豪也吾等雖擁部眾然以雄勁聞於時者莫若李

振武父子官高功大勇冠諸軍吾等合勢推之則代北之地旬月可定功名富貴事無不濟也時武皇為沙陀三部落副兵馬使在唐州盡忠令君立私往

圖之曰方今天下大亂天子付將臣以邊事歲饑餓死便削諸給我等邊人焉能守死公家父子素以威惠及五部當共除虐帥以謝邊人武皇曰予家尊

在振武萬一相逼俟子稟命君立曰機已泄遲則變生或通三年十二月盡忠夜帥牙兵攻牙城執文楚及判官柳漢璋陳昭等繫之於獄遂自知軍

州事遣君立召太祖於蔚州是月太祖與退渾突厥三部落眾萬人趨雲中十四年正月六日至關雞臺盡忠監軍判官符印請太祖知留後事七日盡

忠械文楚漢璋等五人送關雞臺軍人亂食其肉九月太祖權知留後府牙受上三軍表請授太祖大同防禦使魏家不悅時已除唐簡方代文楚未至而

文楚被害實錄乾符元年十二月李克用殺大同軍防禦使段文楚自稱防禦留後塞下之亂自茲始矣薛居正五代史君立傳皆與莊宗列傳同惟削去

李勣忠名但云君立與薛鐵山程懷信正行審李存璋等謀悉以盡忠語為君立之語云君立等乃夜謁武皇言曰方今天下大亂云云衆因聚謀擁武皇

比及雲州衆且萬人師營關雞臺城中械文楚以與武皇之軍既取城推武皇為大同防禦留後衆狀以明舊紀咸通十三年十二月李國昌小男李克用

殺雲州防禦使段文楚據雲州自稱防禦留後乾符五年正月沙陀首領李盡忠陷遼軍寶壽遼康傳圭率土國二千屯代州將發武賞呼謀殺馬步軍

使郭虔有唐末三朝見聞錄者不著撰人姓名事記晉陽事其書云乾符五年戊戌寶壽自前守京兆尹河東節度使在任便值大同軍變殺防禦使段

文楚正月二十六日軍於石黨二十七日到白泊二十九日至靜邊軍三十日築却四面城門二月一日在城將士三人共賞絹一匹監軍使差仇判官聞

奏李勣忠等准詔各賞馬一匹銀鞍轡一副銀三鎰銀碗一枚絹一束第二匹紫羅三匹諸軍將銀碗絹等三物李勣忠却入四門兩面馬步五萬餘人城

四面下營五日又賞土國牛酒六日監軍使送牌印與李九郎七日城南門樓上繫綵下段尙書柳漢璋雍雅侍御陳諮等四人尋分付軍兵於關雞臺西關

却又令馬軍踐踏却該骨八日李九郎破土國馬步軍約一千人持弓刀送上與舊紀五年事徵合實錄亦頗采之云五年正月壬戌寶壽沙陀首領李

盡忠寇白泊至靜邊軍二月奏李盡忠求賞詔賞馬一匹銀鞍勒繡絹等按莊宗列傳舊紀克用殺文楚在咸通十三年十二月歐陽脩五代史記取

之太祖紀年錄在乾符三年薛居正五代史新少范傳取之且開錄在乾符五年二月新紀取之惟實錄在乾符元年不知其所據何書

也克用既殺文楚豈肯晏然安處必更侵擾邊陲朝廷亦須發兵征討而自乾符四年以前皆不見其事唐末見開錄敘月日今從之

令將士表求

救命朝廷不許李國昌上言乞朝廷速除大同防禦使若克用違命臣請帥本道兵討之終不愛一子以負國家

朝廷方欲使國昌諷克用會得其奏乃以司農卿支詳為大同軍宣慰使詔國昌語克用令迎候如常儀除克用

官必令稱愜李克用始此語牛偁翻又以太僕卿盧簡方為大同防禦使考異曰舊紀咸通十三年七月以前義昌節度使盧簡方為太

僕卿十二月以振武節度使李國昌為雲州刺史大同軍防禦

使

使

使

使

使

使

使

使

使

使

使

使

曾元裕委大研王仙芝於黃柏梅

殺五萬餘人追斬仙芝傳首餘黨散去黃

縣屬蘄州宋白曰宋分江夏郡置南新蔡
開皇十八年改爲黃梅縣界內有黃梅山

歸之帥讀曰率考異曰實錄元裕奏宋威出軍屢敗之仍宣詔書諭仙

攻洪州陷其郛宋威赴援與賊戰大敗之
許襄鄧無少長皆虜之衆號三十萬三年

判官吳彥宏諭以朝旨釋罪別加官爵仙
悉精銳擊官軍威軍大敗復光收其餘衆

長入陳蔡巢北掠齊魯衆萬人入鄆州殺之賊不能守巢攻和州未克仙芝自圍洪

還入河南帝詔崔安潛歸忠武復起宋威
上言與君長戰擒之復光固言其降命侍

京師當此時巢方圍亳州未下君長弟讓
新舊傳叙賊所經歷皆不同又云宋威殺

長弟讓以兄見誅率衆入查牙山黃巢黃
讓乃與羣盜推巢爲主曰衝天大將軍仍

民十餘萬掠淮南
建元王霸今從之署官屬巢襲陷沂

以巢爲右衛將軍令就鄆州

曾元裕敗賊於申州死者萬人帝以宋威
拜自勉東北面行營招討使督諸軍急捕

東都河陽節度使鄭延休兵三千壁河陰
吳元者基衆大沮畏乃詣天平軍乞降

加山南東道節度使李福同平章事賞救荆南之功也 三月羣盜陷朗州岳州朗岳相去五百里曾元裕屯荆襄荆襄相去三百

里四十黃巢自滑州略宋汴滑州南至汴州二百一十里 汴州東至宋州三百五十里乃以副使張自勉充東南面行營招討使黃巢攻衛南衛南在楚楚城以曹

有楚王改日衛南唐時屬滑州遂攻葉陽翟詔發河陽兵千人赴東都與宣武昭義兵二千人共衛宮闕衛東都宮闕也以左神武大將軍劉

景仁充東都應援防遏使并將三鎮兵三鎮兵宣武昭義仍聽於東都募兵二千人景仁昌之孫也劉昌見德宗紀又詔曾元裕將兵

徑還東都發義成兵三千守轅轅伊闕河陰武牢河南緱氏縣北有轅轅關伊闕縣北有伊闕故關孟州汜水縣有虎牢關唐避先諱以虎為武王仙芝餘黨王重隱陷

洪州江西觀察使高湘奔湖口江州東北六十里有湖口鎮當彭蠡湖南入江之口宋朝置湖口縣賊轉掠湖南別將曹師雄掠宣潤詔曾元裕楊復光引

兵救宣潤 湖南軍亂都將高傑逐觀察使崔瑾瑾鄆之子也崔瑾見二百四十四卷文宗太和五年鄆音偃黃巢引兵度江攻陷虔吉饒

信等州 朝廷以李克用據雲中夏四月以前大同軍防禦使盧簡方為振武節度使以振武節度使李國昌為

大同節度使以為克用必無以拒也是時朝議謂使李國昌以父懿子子必無以拒豈知李國昌父子欲兼康兩鎮 考異曰唐末聞見錄述

逆射損都將趙歸義所損將判官國建弘擒縛入府尚書令下於衙南門全家處斬使司差副兵馬使趙元瑄領馬軍進發關建弘遞送海西當月內有勅

送射到除前大同軍防禦使盧簡方充振武節度使除振武節度使李尚書充大同軍節度使實錄云戊辰以簡方為振武國昌為大同蓋誤以康叔諱作

亂之日為簡方等建節之日也新沙陀傳曰李克用既殺段文楚諸校共巧克用為大同防禦留後不許發諸道兵進捕諸道不甚力而黃巢方引兵度江

朝延度未能制乃赦之以國昌為大同軍防禦使國昌不受命詔河東節度使崔彥昭幽州張公素共擊之無功據此則是大同防禦使非節度使也薛居

正五代史紀曰武皇殺段文楚諸將列狀以聞請授武皇旌節朝廷不允徵諸道兵以討之乾符五年黃巢變江其勢滋蔓天子乃悟其事以武皇為大同

軍節度使檢校工部尚書是克用為大同軍節度使非國昌實錄國昌傳及獻紀年錄舊唐本紀俱不言國昌為大同節度使獨實錄於此言之下五月

又云國昌殺監軍不肯代必有其所據蓋國昌父子俱不肯受代朝廷以為用國昌代克用必無遜命故徒國昌為大同軍節度使而以盧簡方鎮振武二人竟不受命故簡方不得赴鎮而死於嵐州國昌亦未嘗赴大同也 詔以東都軍儲不足貸商旅

富人錢穀以供數月之費仍賜空名殿中侍御史告身五通監察御史告身十通有能出家財助國稍多者賜之時連歲旱蝗寇盜充斥耕桑半廢租賦不足內藏虛竭無所依助藏徂漢翻依音次亦助也兵部侍郎判度支楊巖三表自陳才短不能濟辦辭極哀切詔不許人見美官誰不欲之乃有辭 曹師雄寇湖州曹師雄自宣潤進寇湖州鎮海節度使裴璩遣兵擊破之

王重隱死其將徐唐莒據洪州曹師雄王重隱皆王仙芝之黨饒州將彭幼璋合義營兵克復饒州饒州比為黃巢所陷義營兵饒州之起義者也南詔遣其

曾望趙宗政來請和親南詔官有曾望在大將之下久賀之上亦清平官也無表但令督爽牒中書請為弟而不稱臣詔百僚議之禮部侍郎

崔澹等以為南詔驕僭無禮高駢不識大體反因一僧咕囁卑辭誘致其使咕他協翻囁而涉翻又之涉翻謂景仙也若從其請

恐垂笑後代考異曰實錄置僭諸於二月至四月又云南詔遣曾望趙宗政來朝且議和好今因是鄭爭事置此高駢聞之上表與澹爭辯詔諭解之澹璵之子也璵相武宗之弟也

五

月丙申朔鄭畋據議鄭畋事據欲與之和親畋固爭以為不可據怒拂衣起袂胥硯墮地破之經古泣翻繫取也

相濡上聞之曰大臣相詬詬又許侯翻何以儀刑四海丁酉畋據皆罷為太子賓客分司考異曰舊紀六年五月畋聞廣州與李蒼

詔不通僉能分司畋傳曰五年黃巢東渡江淮衆百萬所經歷郡邑六年陷安南府據之致書與浙東觀察使崔瑬求鄆州節餞鄆州節餞言賊勢雖圖宜因授之以絕北顧之患天子下百僚議初黃巢之起也宰相盧攜以浙西觀察使高駢素有軍功奏為准節度使令扼賊衝尋以駢為諸道行營都統及崔瑬

之奏朝臣議之有請假節以等患者畋衆議欲以南海節制之攜以始用高駢欲其立功以圖勝曰高駢將略無雙淮土甲兵甚銳今諸道之師方集

將閉門自守尚不能技不如釋咎也容釋恩澤彼本以饑年利合一遇豐歲孰不懷恩鄉土其衆一離則集賊凡上肉耳若此際不以計攻全恃兵力恐

天下之憂未艾也議然之而左僕射丁瑄曰海有市舶之利歲貢珠璣如令為妖賊所有國威漸虧當廢場上亦望駢成功乃依攜議及中書商量制數

畋曰妖賊百萬橫行天下高公還延玩逸無意剿除又從而保之彼得計矣國祚安危在我輩三四人責度公倚淮南用兵吾不知稅駕之所矣攜怒拂衣

而起染於硯因投之停宗聞之怒曰大臣相詬何以表儀四海二人俱罷政事攜傳曰五年黃巢陷荆南江西外郭及饒吉虔信等州自浙東陷福建遂

至嶺南陷廣州殺節度使李昌送抗表求節餞初王仙芝起河南攜舉宋威齊克讓等有將略用為招討使及宋威殺尚君長致賊充斥朝廷遂以宰

臣王鐸為都統攜深不悅浙帥崔彥等上表請假黃巢廣州節度上令宰臣議攜以王鐸為統帥欲激怒黃巢堅言不可假賊節制止授率府率而已與同

列鄭畋爭論投硯於地由是兩罷之實錄五年五月丙申朔是日宰臣鄭畋盧攜南蠻事攜請降公主通和政固爭以為不可抗論是非攜搥拂衣而起

衣無緣也

褻力主翻衣戲散也 有朝士以書規之曰今百姓疲弊寇盜充斥相公宜舉賢任能紀綱庶務捐不急之費杜私諂之門使

物各得其所則家給人足自無貧者何必如此行小惠乎宰相大怒 邕州大將杜弘送段瑳寶至南詔踰年而

還杜弘去年閏二月送甲辰辛謫復遣攝巡官賈宏大將左瑜曹朗使於南詔復扶李國昌欲父子并據兩鎮得大

同制書毀之殺監軍不受代與李克用合兵隔遮虜軍遮虜軍在洪谷東北亦曰遮虜平進擊靈武及奇嵐軍此當在遮虜平南嵐州嵐谷縣

有奇嵐軍按宋白續通典雲州東取靈武嬌州路至幽州七百里朔州西至奇嵐軍二百二十里此李國昌合雲朔之盧簡方赴振武至嵐州而

兵東西攻掠既陷遮虜東擊靈武西擊奇嵐也此即嬌州之西靈武軍奇嵐軍在嵐州東北百里奇枯我翻嵐嵐含翻

薨丁巳河東節度使寶瀚發民墾晉陽己未以都押牙康傳圭為代州刺史又發土團千人赴代州土團至城北

妮隊不發妮則角翻言妮整其隊而不行也求優賞時府庫空竭瀚遣馬步都虞候鄧虔往慰諭之土團乃虔呂古瓦翻牀昇其尸入府昇羊茹翻

瀚與監軍自出慰諭人給錢三百布一端衆乃定押牙田公鐸給亂軍錢布衆遂劫之以為都將赴代州瀚借商

人錢五萬緡以助軍考異曰唐末開見錄五月振武損却制敕不受除替李尙書收却遮虜軍進打靈武及奇嵐軍代州告急二十二日指揮在府

兩縣點到土團子弟一千人往代州屯駐至城北卓隊不發案出軍優賞差馬步都虞候鄧虔安慰尋被呂却牀昇其尸入府尙書監軍自出安慰定每人

各給錢三百文布一端差押牙田公鐸給敕不放却回便被請將充都將發赴軍前使司有榜告商人助軍錢五萬貫文實錄五月李國昌殺監軍使不肯

受代起兵進打靈武及奇嵐軍代州出兵禦之始國昌遣克用以兵襲大同三軍表克用為留後朝廷不允乃以國昌命之欲以其子無能拒也時國昌食

其土地欲父子分統故拒命焉實錄六月乙丑朔嵐州奏新除振武節度使盧方卒以太原府都押衙康傳圭為代州刺史發太原晉陽土團千人戌代

州至城北卓隊不發案優賞馬步都虞候鄧虔安慰為其衆殺之節度使寶瀚自出撫慰乃定劾太原府路空竭每有賞資必科民家至是尤窘迫乃榜借

商人助軍錢五萬此皆約唐末見聞錄為之而後其月日以象奏到之時唐末未見聞錄又云六月十一日左散騎常侍支謨奉敕到府充大同軍制置使兼

攝河東節度副使軍前同指揮使此謂到府之日而實錄云甲戌以謨為制置使甲戌乃六月十日亦誤也 朝廷以瀚為不才六月以前昭義節度使曹翔為河東節度使 王仙

芝餘黨剽掠浙西劉匹妙朝廷以荆南節度使高駢先在太平有威名高駢之威名以破蠻於交趾而徒鎮天平鄆人遂畏之耳仙芝黨多鄆人乃徙駢

為鎮海節度使 沙陀焚唐林惇縣入忻州境武后證聖元年分五臺縣置武延縣唐隆元年更名唐林本漢廣武縣地九域志嶂在州西南五十里惇音郭秋七月

曹翔至晉陽己亥捕土團殺鄧虔者十三人殺之義武兵至晉陽不解甲謹諫求優賞諫與同翔斬其十將一人乃

定發義成忠武昭義河陽兵會于晉陽以禦沙陀八月戊寅曹翔引兵救忻州沙陀攻岢嵐軍陷其羅城敗官軍

于洪谷洪谷在岢嵐軍南敗補邁翻晉陽閉門城守黃巢寇宣州宣歙觀察使王凝拒之敗於南陵九城志南陵縣在宣州西一百五里巢攻宣州不

克乃引兵攻浙東開山路七百里攻剽福建諸州按九城志自婺州至衢州界首一百九十里衢州治所至建州七百里此路豈黃巢始開之邪則匹妙翻九月平盧軍奏節

度使宋威薨老病而死固其宜也史書感死以為振兵玩寇不能報國之戒辛丑以諸道行營招討使曾元裕領平盧節度使壬寅曹翔暴薨丙午

昭義兵大掠晉陽坊市民自共擊之殺千餘人乃潰中書侍郎同平章事李蔚罷為東都留守蔚紆勿翻守手又翻以吏部

尚書鄭從讜為中書侍郎同平章事從讜餘慶之孫也鄭餘慶始見二百三十卷德宗貞元十四年以戶部尚書判戶部事李都同平章

事兼河中節度使冬十月詔昭義節度使李鈞幽州節度使李可舉與吐谷渾酋長赫連鐸白義誠沙陀酋長

安慶薩葛酋長米海萬合兵討李國昌父子於蔚州參考新舊書安慶薩葛部皆部落之名更以後廣明元年安慶都督史敬存證之可見酋意由翻長知丈翻薩葛翻十一月岢嵐軍

翻城應沙陀丁未以河東宣慰使崔季康為河東節度代北行營招討使沙陀攻石州庚戌崔季康救之十二

月甲戌黃巢陷福州觀察使韋岫棄城走南詔使者趙宗政還其國是年四月趙宗政來請和中書不答督爽牒但作西川節

度使崔安潛書意使安潛答之崔季康及昭義節度使李鈞與李克用戰於洪谷兩鎮兵敗鈞戰死昭義兵還

至代州士卒剽掠剽匹代州民殺之殆盡餘衆自鵠鳴谷走歸上黨鵠鳴谷在忻州秀容縣東北考異曰舊紀河東節度使崔季

谷王師大敗鈞中流矢而卒戊戌至代州昭義軍亂為代州百姓所殺殆盡此年實錄略同廣明元年八月實錄河東昭義節度使李鈞與沙陀李克用戰于岢嵐軍之洪

又曰詔統本道兵由鴈門出討雲州與賊戰敗歸為其下殺之新紀長康崔季康李鈞及李克用戰於洪谷敗績南居正五代史紀曰乾符六年春朝廷以

昭義節度使李鈞充北面招討使將上黨太原之師過石嶺關屯于代州與幽州李可舉合勢連鏖同攻蔚州蔚州以一軍禦之武皇以一軍南抵鴻臚城

以拒李鈞是冬大雪弓弩絀絕幽州苦寒臨陣大敗奔歸代州李鈞中流矢而卒唐末見開錄曰十九日崔尚書發往岢嵐軍請卹敕買敬嗣大夫權兵馬

留後觀察判官李勣權觀察留後昭義節度使李鈞領本道兵獨到代州軍變被代州殺戮並盡提到李鈞

變軍潰散取鵠鳴谷各歸本道按昭義軍變必非李鈞所為代州百姓提到李鈞不知如何處之今從前紀

王郢之亂事始上卷二年臨安人

董昌以土圍討賊有功補石鏡鎮將垂拱四年分餘杭於潯地以故臨水城置臨安縣屬杭州有石鏡山石鏡鎮九城志是歲曹師進臨安縣在州西一百二十里臨安志石鏡山在臨安縣南一里鎮鎬改為衣錦山

寇二浙杭州募諸縣鄉兵各千人以討之昌與錢塘劉孟安阮結富陽聞人宇鹽官徐及新城杜稜餘杭凌文舉

臨平曹信各爲之都將號杭州八都錢唐餘杭皆漢縣富春縣晉避諱改爲富陽新城吳縣鹽官漢海鹽縣地有鹽官吳遂名縣臨平在錢唐北隋之餘杭縣置杭州後移州治錢唐後又移於柳浦西今州城是九域志富陽在州西

南七十三里鹽官在州東一百二十九里新城在州西南一百三十里餘杭在州西北七十二里將亮翻下同昌爲之長長知兩翻其後宇卒錢塘人成及代之辛子恤翻臨安人錢鏐以驍勇事

昌以功爲石鏡都知兵馬使錢鏐事始此錢力求翻

六年春正月魏王侑薨併錢宗子鎮海節度使高駢遣其將張璠梁繼考異曰舊紀張璠作張璠新紀傳實錄作璠今從舊高駢黃巢

從衆分道擊黃巢屢破之降其將秦彥畢師鐸李罕之許勅等數十人降戶江翻勅渠京翻爲後秦彥畢師鐸反攻高駢張本考異曰郭延誨妖亂志曰初黃巢將蹂踐淮甸委師鐸爲

先鋒攻晉天長累日不克師鐸之志沮焉及巢北向師鐸遂降北海按舊師鐸傳敗巢於浙西皆師鐸之效故置於此巢遂趣廣南越七翻彥徐州人師鐸寬句人罕之項城人也賈宏等

未至南詔相繼卒於道中去年五月辛酉使賈從才恤翻從者死亦大半從才用翻時辛讜已病風痺痺必至翻召攝巡官徐雲虔執其

手曰讜已奏朝廷發使入南詔而使者相繼物故奈何使疏吏翻下同吾子既仕則思徇國能爲此行乎讜恨風痺不能

拜耳因嗚咽流涕雲虔曰士爲知己死古語云士爲知己者死女爲悅己者容爲子僞翻明公見辟恨無以報德敢不承命讜喜厚具資裝而

遣之史言辛讜垂死不忘國事二月丙寅雲虔至善闡城驛信見大使抗禮受副使已下拜己已驛信使慈雙羽楊宗就館謂雲

虔曰貴府牒欲使驛信稱臣奉表貢方物驛信已遣人自西川入唐與唐約爲兄弟不則舅甥不說夫兄弟舅甥

書幣而已何表貢之有雲虔曰驛信既欲爲弟爲甥驛信景莊之子景莊豈無兄弟曾龍監景莊皇帝於驛信爲諸父驛信

爲君則諸父皆稱臣況弟與甥乎且驛信之先由大唐之命得合六詔爲一事見二百一十四卷恩德深厚中間小忿

罪在邊鄙謂南詔與西川爭恨細故以致興戎今驛信欲修舊好好呼到翻豈可違祖宗之故事乎順祖考孝也事大國義也息戰爭仁也審

名分禮也分扶問翻四者皆令德也可不勉乎驛信待雲虔甚厚雲虔留善闡十七日而還驛信以木夾二授雲虔其

名分禮也分扶問翻四者皆令德也可不勉乎驛信待雲虔甚厚雲虔留善闡十七日而還驛信以木夾二授雲虔其

一上中書門下上時掌翻其一牒嶺南西道然猶未肯奉表稱貢 辛未河東軍至靜樂靜樂漢汾陽縣地齊周之際改曰崑崙開皇十八年改曰汾源大業四年改曰靜

樂唐屬嵐州九域志在州東北五十里 士卒作亂殺孔目官石裕等壬申崔季康逃歸晉陽甲戌都頭張錯郭晁帥行營兵攻東陽門器

駭翻關涉佩翻又普罪入府殺季康辛巳以陝號觀察使高潯為昭義節度使陝失以邪靈節度使李侃為河東節度使

考異曰唐末見開錄二十日宣慰使劉府李侃除河東節度使實錄因云庚寅除侃議也 三月天平軍節度使張勣薨牙將崔君裕自知州事淄州刺史曹全最討誅之

最知 夏四月庚申朔日有食之 西川節度使崔安潛到官不詰盜蜀人怪之詰去安潛曰盜非所由通容則不

能為所由謂捕盜官吏今窮覈則應坐者眾嚴下搜捕則徒為煩擾甲子出庫錢千五百緡分置三市成都城中雲花里置器於一所號靈市靈香藥於一所號藥市

置勝其上曰有能告捕一盜賞錢五百緡盜不能獨為必有侶侶者告捕釋其罪賞同平人未幾幾居有

捕盜而至者盜不服曰汝與我同為盜十七年賊皆平分汝安能捕我我與汝同死耳安潛曰汝既知吾有勝何

不捕彼以來則彼應死汝受賞矣汝既為所先死復何辭先悉薦翻復扶又翻立命給捕者錢使盜視之然後乃盜於市并滅

其家於是諸盜與其侶互相疑無地容足夜不及旦散逃出境境內遂無一人之盜安潛以蜀兵怯弱奏遣大將

齊牒詣陳許募壯士與蜀人相雜訓練用之得三千人分為三軍亦戴黃帽號黃頭軍襲忠武黃頭軍之名也又奏乞洪州弩

手教蜀人用弩走丸而射之選得千人號神機弩營蜀兵由是浸彊余嘗謂兵之強弱在將不在兵以秦之兵強天下而漢高祖以蜀兵定三秦自唐以來蜀兵號為儒怯然章舉用以制吐

善而有餘未嘗借工於他道也至李德裕始募工於他道以治器械崔安潛繼之故智耳諸葛孔明治蜀作木牛運弩之法自晉以下倣而為之宋自女真侵噬吳玠兄弟善境而守蜀東南以西路兵為天下最夫豈借工於別路哉射而亦翻 涼王從薨從薨宗子音他頂翻

上以羣盜為憂王鐸曰臣為宰相之長長知在朝不足分陛下之憂請自督諸將討之乃以鐸守司徒兼侍中

充荆南節度使南面行營招討都統考異曰舊紀五年二月鐸自請督衆討賊天子以宗威失策殺奇君長乃以鐸檢校司徒兼侍中門下侍

卿高駢累立戰功宜付軍柄物議未允鐸廷奏臣願自率諸軍盪滌羣盜朝廷然之五年以鐸守司徒門下侍郎司平章兼江陵尹荆南節度使充諸道行營兵馬都統今從實錄及新紀表 五月辛卯敕賜河東軍士銀牙將賀公

雅所部士卒作亂焚掠三城新書地理志唐自高祖起兵於晉陽自天授已來以為北都而晉陽宮仍隋不廢宮在都之西北宮城周二千五百步其崇四丈汾東曰東城貞觀十一年長史李勣焚兩城之間有中城武后時築以合東城宮南有大明城故宮城也執孔目官王敬送馬步司節度使李侃與監軍自出慰諭為之斬敬

於牙門乃定 泰寧節度使李係晟之曾孫也有口才而實無勇略王鐸以其家世良將奏為行營副都統兼湖南觀察使官人以此世而不考其才古今之通患也為鐸係失守珍民張本使將精兵五萬并土團屯潭州以塞嶺北之路拒黃巢則翻河東都虞候每夜

密捕賀公雅部卒族滅之丁已餘黨近百人稱報冤將近其大掠三城焚馬步都虞候張錯府城都虞候郭岫家

節度使李侃下令以軍府不安曲順軍情收錯岫斬於牙門并逐其家以賀公雅為馬步都虞候錯岫臨刑泣言

於眾曰所殺皆捕盜司密申今日冤死獨無烈士相救乎於是軍士復大譟取錯岫歸都虞候司復扶又翻尋下

令復其舊職并召還其家收捕盜司元義宗等三十餘家誅滅之已未以馬步都教練使朱玫等為三城斬斫使

致莫將兵分捕報冤將悉斬之軍城始定 黃巢與浙東觀察使崔瑋嶺南東道節度使李迢書求天平節度使

穆二二人為之奏聞偽翻朝廷不許巢復上表求廣州節度使考異曰崔瑋運錄曰黃巢先求廣府兼使相朝廷不與黃巢夏初兵也

兼韶廣等州觀察處置等使末云六月十五日表秋遣內侍仇公度并廣南恩府安南安東等道節度使指揮觀察使開國公食邑五百戶官告六通又賜

節度將軍空名尚書僕射官告五通九月二十日仇公度到廣州至十一月一日巢與公度雜匹段藥物等五獸表函并所賜官告並却付公度表末云廣

明元年十月一日上表公度等其年十月二十九日至京如寶運錄所言 上命大臣議之左僕射于琮以為廣州市舶貨所聚船簿

則元明元年十月一日巢猶在廣州也按其月巢已入長安今從舊紀 廣州以招來海中蕃舶大舟也唐廣州市舶司於廣州豈可令賊得之亦不許乃議別除官六月宰相請除巢府率從之考異曰賊圍廣州仍與廣南節度使李

廣州以招來海中蕃舶大舟也唐廣州市舶司於廣州豈可令賊得之亦不許乃議別除官六月宰相請除巢府率從之考異曰賊圍廣州仍與廣南節度使李

節鐵鎗參上表論之寶錄招瑒上表論謂其懇激乃詔公卿議巢又自表乞廣州節度安南都護巢自春夏其眾大疫死者什三四城有嶺表永為

巢穴乃繼有是請右僕射于琮議云云時朝廷倚高駢成功不允其奏乃議除官或云以正員將軍陸之宰相亦沮其議乃除率府率蔣果傳曰時高駢鎮

淮南表請招討賊許之議加都統率乃獲准僞降于駢駢遣將張崇帥兵受降于天長鎮巢禽殺之因廣其眾尋有陷湖湘遂據安廣託崔瑋奏乞天平

節度表請招討賊許之議加都統率乃獲准僞降于駢駢遣將張崇帥兵受降于天長鎮巢禽殺之因廣其眾尋有陷湖湘遂據安廣託崔瑋奏乞天平

河東節度使

李侃以軍府數有亂數所稱疾請尋醫敕以代州刺史康傳圭為河東行軍司馬微侃詣京師秋八月甲子侃發

晉陽尋以東都留守李蔚同平章事充河東節度使蔚音鎮海節度使高駢奏請以權舒州刺史郎幼復充留

後守浙西遣都知兵馬使張璘將兵五千於郴州守險兵馬留後王重任將兵八千於循潮二州邀遮臣將萬人

自大庾嶺趣廣州擊黃巢題七巢聞臣往必當遁逃乞敕王鐸以所部兵三萬於梧桂昭永四州守險詔不許

九月黃巢得率府率告身大怒詬執政急攻廣州即日陷之執節度使李迢轉掠嶺南州縣巢使迢草表述其所

懷迢曰予代受國恩親戚滿朝腕可斷表不可草朝直遙翻巢殺之考異曰驚聽錄曰擁李迢在寇復併燕海隅又陷桂州次湖南

怒而題七新紀十一月辛酉黃巢陷江陵殺李迢迢新傳曰其十日巢掠荆南李迢草表報天子迢不可巢怒殺之北夢瑣言曰黃

海節度使高駢為淮南節度使充鹽鐵轉運使以涇原節度使周寶為鎮海節度使為駢寶闕以山南東道行軍司

馬劉巨容為節度使寶平州人也黃巢在嶺南士卒罹瘴疫死者什三四其徒勸之北還以圖大事巢從之自

桂州編大棧數十乘暴水沿湘江而下歷衡永州癸未抵潭州城下李係嬰城不敢出戰巢急攻一日陷之係奔

朗州九域志自潭州至朗州三百八十里巢盡殺戍兵流尸蔽江而下尚讓乘勝進逼江陵眾號五十萬時諸道兵未集江陵兵不滿

萬人王鐸留其將劉漢宏守江陵自帥眾趣襄陽九域志自江陵至襄陽四百四十里帥讀曰率題七云欲會劉巨容之師鐸既去漢宏大掠江

陵考異曰舊紀廣明年二月果陷潭州王鐸棄江陵奔襄陽漢宏大掠實錄閏月湖南奏黃巢眾自衡永州下十月二十七日攻陷潭州新集傳曰

廣明初賊自嶺南寇湖南諸郡攻潭州陷之舊集傳巢欲據南海之地坐邀朝命是歲自春及夏其眾大疫死者十三四眾勸請北歸以圖大利巢不

得已廣明元年北踰五嶺犯湖湘江浙按舊紀傳告云廣明年敗王鐸今月日從實錄事從舊書又據舊紀傳則劉漢宏本王鐸將鐸去而漢宏留江陵

大掠遂為盜也實錄用之而於鐸奔襄陽下添先是字若鐸在江陵漢宏時為羣盜安能入其城大掠僭使漢宏先曾寇掠江陵與黃巢事了不相干何必

言後半月餘賊眾乃據其城也吳越備史云漢宏本兗州小吏領本州兵禦巢寇遂殺將首劫輜重而叛後命前濠州刺史崔瑋招降之据此焚蕩殆

則漢宏本羣盜也新傳用之而云鐸招降之或者漢宏本羣盜中間降鐸為部將鐸去江陵漢宏復大掠為盜其後又降於崔瑋遂為唐臣也焚蕩殆

盡士民逃竄山谷會大雪僵尸滿野舊居後旬餘賊乃至漢宏兗州人也帥其眾北歸為羣盜帥讀閏月丁亥朔

河東節度使李蔚有疾以供軍副使李邵權觀察留後監軍李奉臯權兵馬留後己丑蔚薨都虞候張鐸郭晞署

狀絀邵狀奏狀儲融因署狀李邵而進丁球絀五律翻以少尹丁球知觀察留後十一月戊午以定州已來制置使萬年王處存為義武

節度使河東行軍司馬鴈門關已來制置使康傳圭為河東節度使四朝志宣宗大中五年以白敏中充招討究項行營都統制置等使制置使之名始此宋朝初不常置掌經邊都軍旅

之事政和中朝奏用兵以內侍童貫為之迄南遷之後江淮荆蜀皆置制置使其任重矣黃巢北趣襄陽七劉巨容與江西招討使淄州刺史曹全最合兵屯荆門以

拒之九城忠襄陽南至荆門二百七十餘里賊至巨容伏兵林中全最以輕騎逆戰陽不勝而走賊追之伏發大破賊眾乘勝逐北比至

江陵比利翻及也九城志荆門南至江陵一百六十五里俘斬其什七八巢與尚讓收餘眾渡江東走或勸巨容窮追賊可盡也巨容曰國家喜

負人喜許有急則撫存將士不愛官賞事盜則棄之或更得罪唐末之政誠如劉巨容之言不若留賊以為富貴之資眾乃止全最

度江追賊會朝廷以泰寧都將段彥謨代為招討使全最亦止由是賊勢復振復扶又翻攻鄂州陷其外郭轉掠饒信

池宣歙杭十五州眾至二十萬康傳圭自代州赴晉陽庚辰至烏城驛張鐸郭晞出迎亂刀斫殺之至府又族

其家十二月以王鐸為太子賓客分司以江陵之敗也初兵部尚書盧攜薦高駢可為都統至是駢將張璠等屢

破黃巢乃復以攜為門下侍郎平章事凡關東節度使王鐸鄭畋所除者多易置之為盧攜倚高駢以誤國張本是歲桂陽賊

陳彥謙陷柳州殺刺史董岳

廣明元年春正月乙卯朔改元沙陀入鴈門關寇忻代二月庚戌沙陀二萬餘人逼晉陽辛亥陷太谷宋白曰太谷縣本漢

陽邑縣隋開皇十八年改遣汝州防禦使博昌諸葛爽帥東都防禦兵救河東博昌漢古縣名後魏置樂安郡及樂安縣隋時名太谷因縣西太谷為名改樂安縣為博昌縣唐時屬青州帥讀曰率河

東節度使康傳圭專事威刑多復仇怨強取富人財遣前遮虜軍使蘇弘軫擊沙陀於太谷至秦城遇沙陀戰不

利而還傳圭怒斬弘軫時沙陀已還代北傳圭遣都教練使張彥球將兵三千追之王戊至百井百井鎮在太原陽曲縣軍變

還趣晉陽七傳圭閉城拒之亂兵自西明門入殺傳圭監軍周從寓自出慰諭乃定以彥球為府城都虞候朝

廷聞之遣使宣慰曰所殺節度使事出一時各宜自安勿復憂懼又翻左拾遺侯昌業以盜賊滿關東而上不

親政事專務遊戲賞賜無度田令孜專權無上天文變異社稷將危上疏極諫上大怒召昌業至內侍省賜死考

曰觀運錄云司天少監侯昌業上疏其略曰陛下不納李蔚杜希敖之諫又曰臣乃明禘五道暗視冥官懷息於班列之中願早過於閭浮之世又曰受

爵不達於有德之君立載每佐於無道之主又曰不望堯舜之年得同先帝之日又曰明取尹希復指揮喧策王士成進狀強奪波斯之寶貝抑取茶店之

珠珍取實坊全城般運又曰莫是唐合肅之歲為復是陛下壽足之年又曰伏惟陛下聖恩救接蒼生於殿內立揭諦道場以無私財吊生養諸

佛用寶世祿共力經表奏聖上龍威震怒侍臣驚悸宜徵便宜云侯昌業付內侍省候進止翌日午時又內養劉季遠宣口敕云侯昌業出白寒門擢居

清近不能備慎妄奏閑詞誦謗萬乘君王毀斥百辟卿士在我弊典是不能容其侯昌業宜賜自盡北夢瑣言曰唐自廣明後閣人擅權置南北衙遣使軍

容田令孜有回天之力中外側目而王仙芝黃巢剽掠江淮朝廷憂之左拾遺侯昌業上疏極言時病留中不出命於仗內戮之後有傳侯昌業疏詞不合

事體其末云請開揭諦道場以銷兵厲似為庸僧偽作也必若侯昌業以此識見犯上宜其死也今從之

上好騎射劍槊法算唐國子監有算學博士掌教九章海島孫子五曹張丘陽周髀五經算綴術緝古為專業皆法算也至於音

律捕博無不精妙好蹴鞠鬪雞與諸王賭鵝鵝一頭至五十緡考異曰新田令孜傳帝冲駭喜鬪鵝一鵝至直五十萬錢按鵝非

尤善擊毬嘗謂優人石野豬曰朕若應擊毬進士舉須為狀元對曰若遇堯舜作禮部侍郎恐陛下不免駁放駁

駁也放黜也駁放者糾駁其非是而放黜之也駁北角謂上笑而已度支以用度不足奏借富戶及胡商貨財敕借其半鹽鐵轉運使高駢上言天

下盜賊蜂起皆出於饑寒獨富戶胡商未耳乃止高駢奏改楊子院為發運使楊子院舊置留後今改為發運使宋朝廷江淮發運使本此三月庚

午以左金吾大將軍陳敬瑄為西川節度使敬瑄許州人田令孜之兄也田令孜本姓陳咸通中隨義父入內侍省為宦者遂冒田姓初崔安潛鎮許

昌許昌許州也忠武節度治所令孜為敬瑄求兵馬使安潛不許敬瑄因令孜得隸左神策軍數歲累遷至大將軍令孜見關東

羣盜日熾陰為幸蜀之計奏以敬瑄及其腹心左神策大將軍楊師立牛勗羅元杲鎮三川上令四人擊毬賭三

川敬瑄得第一籌凡擊毬立毬門於毬場設賞格天子按響入毬場諸將迎拜天子入護武衛升御座諸將羅拜於下各立馬於毬場之兩偏以俟

入場擊毬其勝者得第二籌為郎以為西川節度使代安潛辛未以門下侍郎同平章事鄭從讜同平章事充河東節度使康傳